


**ANG DIOS NAGPADALA
SA IYANG ANAK (CORDERO)
ARON SA PAGLUWAS KANIMO**



Tun-i kini mahitungod sa Dios

Ang Dios nagpadala ug usa ka cordero (gamayng carnero) aron sa pagluwas ni Isaac.

Ang Dios nagpadala sa Iyang anak (Cordero) aron sa pagluwas kanimo.

Kinahanglan dawaton mo ang Anak sa Dios aron ka maluwas.



Basaha kini gikan sa Biblia
Kusga pagbasa makalima nga subli

Si Isaac miingon. . . . “ania karon ang kalayo ug ang sugnod apan hain man ang nating carnero (cordero) nga igahalad-nga-sinunog? Gen. 22:7,8.

Ug sa pagkasunod nga adlaw iyang nakita si Jesus nga nagpaingon kaniya, ug siya miingon, “Tan-awa, mao kana ang Cordero sa Dios nga magakuha sa sala sa kalibutan. Juan 1:29.

Mabuhat mo ba kini?

Isulat ang tubag sa matag-usa ka pangutana.

1. Kinsa man ang miingon: “Hain man ang cordero?”
2. Kinsa man ang miingon: “Ang Dios magahatag sa cordero”?
3. Kinsa man ang miingon: “Mao kana ang Cordero sa Dios”?

Mga Tubag

1. Si Isaac miingon: "Hain man ang cordero?"
2. Si Abraham miingon: "Ang Dios magahatag sa cordero."
3. Si Juan Bautista miingon: "Mao kana ang Cordero sa Dios!"

Mga pulong nga angay nimong mahibaloan

Ang **Halad alang sa sala** nagpasabot nga usa ka mananap o tawo ba hinoon nga maoy nag antus sa silot alang sa laing tawo nga nakasala.

Ang **usa ka halad-nga-sinunog** maoy usa ka halad nga ginapatay ug unya gisunog sa halaran.

Ang **halaran** maoy usa ka dapit diin ginabutang ang halad.

Daghang mga halaran nga binuhat pinaagi sa pinatongpatong nga mga bato.

Ang Dios nagpadala ug usa ka cordero aron sa pagluwas kang Isaac.


Badlisi ubos sa tanang pulong gikan niining timaan[•] ngadto sa[•]

Usa ka adlaw ang Dios miingon ngadto kang Abraham:

"Dad-a ang imong anak nga si Isaac.

Adto sa usa ka bukid

Ihalad si Isaac sa akong atubangan."



Wala masayud si Abraham sa hinungdan nga ang Dios nagsugo man kaniya niini.

Si Abraham wala masayud nga gisulayan lamang diay ang iyang gugma. Ug ang Dios magatudlo kaniya ug kang Isaac.

- Ang Dios magatudlo usab kanato mahitungod sa Iyang Halad alang sa sala. •



Si Abraham masulob-on didto sa bukid.

Si Abraham nahigugma kang Isaac.

Apan si Abraham misugot gayud sa Dios.

Si Isaac mitabang sa pagdala sa mga kahoyng sugnod.

Si Isaac miingon “Hain man ang cordero alang sa halad-nga-sinunog?”

Si Abraham mitubag: “Ang Dios magahatag ug usa ka cordero.”

Si Abraham ug si Isaac mitukod ug usa ka halaran.

Si Abraham nagbutang kang Isaac ibabaw sa halaran.

Si Isaac andam nga magpakamatay.

Apan ang Dios nahigugma usab kang Isaac.

Dili buot ang Dios nga si Isaac mamatay.

Ang Dios nag-andam ug lain nga halad (sacrifice).

nga magpakamatay alang sa dapit ni Isaac.

Gibayaw ni Abraham ang iyang mga kamot
aron sa pagpatay kang Isaac.

Apan diha dayon ang Dios nagtawag kang Abraham gikan sa langit.

“Abraham! Hunong! Ayaw patya ang imong anak!

Karon ikaw nagpamatuod nga ikaw nahigugma gayud kanako!”

Unya ang Dios nagpakita kang Abraham sa usa
ka cordero (gamayng carnero) nga nagapos sa
mga bagon.

Ang Dios nagpadala sa usa ka gamayng
carnero aron sa pagpakamatay nga kapuli ni
Isaac didto sa halaran.

Naluwas si Isaac ug nabuhi sa gihapon.



Ang Dios nagpadala sa Iyang Anak nga si Jesus sa pagluwas kanimo.

Ang mga tawo nga nagpakasala dili
gayud makaadto sa langit.

Kon sila mangamatay sila moadto sa inferno-
makalilisang nga dapit .

Kitang tanan nag-pakasala busa kitang tanan
padulong sa inferno.

Apan ang Dios nahigugma kanato ug
buot nga magdala kanato sa langit.

• Ang Dios nagpadala sa Iyang Anak nga si Jesus
aron sa pagpakamatay alang kanato. •

• Si Jesus mao ang Cordero (Anak) sa Dios
nga nagpakamatay aron sa pagkuha sa
mga sala sa kalibutan. •

Siya nabuhi pag-usab (nabanhaw) gikan sa lubnganan.

Dili ka makakita kang Jesus apan Siya
anaa diha kanimo.

Si Jesus nahigugma kanimo ug buot motabang kanimo.



Kinahanglan dawaton mo ang Anak sa Dios aron ka maluwas.

Dili kinahanglan magabutang ikaw ug halad sa halaran karon.

Kinahanglan lamang imong dawaton ang Anak sa Dios ingon nga imong halad.

Si Jesus mahimong imong Manluluwas-ang nagaluwas kanimo.

Si Jesus magakuha sa imong mga sala.

• Dawata si Jesus ingon nga imong Manluluwas ug ikaw makaadto sa langit. •

Gamita kining pag-ampo sa ubos. Unya sultihi ang Dios sa imong kaugalingong
sinultihan.


Pag-ampo

Ako nagadawat sa Imong Anak, O Dios ko, nga maoy nagpakamatay alang
kanako-

Siya usa ka halad (sacrifice) aron sa pagkuha sa akong mga sala.

Tungod kang Jesus nga akong Manluluwas ako karon dili na ulipon.

Ako nagpasalamat Kanimo, O Dios, sa Imong pagluwas kanako karon. Amen!



Sulati ang imong Talaan sa Tinun-an alang sa Leksyon 11.

INTERNATIONAL CORRESPONDENCE, INSTITUTE
PHILIPPINE NATIONAL OFFICE, P.O. BOX 1084, MANILA

ANG DIOS NAGPADALA SA IYANG ANAK (CORDERO) ARON SA PAGLUWAS KANIMO


KALINGAWAN NGA IMONG PAGABUHATON

Pagbuhat ug cordero.

Pagkuhag diyutay nga gapas.

Hulmaha kini nga ulo ug lawas sa cordero.

Butangi kini ug upat ka mga tiil nga tukog.



Linawa pagsulat sa minuldi ang imong ngalan

Ngalan

Pinuy-anan nga pagadad-an

.....

.....

Petsa sa pagpadala



Isulat ang nawala nga mga litra/pulong.

1. Ang cordero nga gipadala sa D.... aron sa pagluwas kanimo mao si J....
2. Ang C (Anak) sa D magakuha sa imong mga s
3. Si Abraham mitubag: "ang D magahatag ug usa ka c " .
4. * Ang mga tawo nga nagpakasala d makaadto sa langit.
5. Kitang tanan n
6. Si J nagpakamatay didto sa krus alang sa atong mga s
7. Si Jesus mao ang C (Anak) sa D nga mao ang n sa s sa k

Gidawat mo na ba si Jesus ingon nga imong Manluluwas sa wala ka pa mosugod sa pagtoon niining mga leksyon?

Kung wala ka pa modawat kaniya niadto, karon gidawat mo na ba Siya? Kung mao, isulat ang imong ngalan ug ang petcha sa imong pagdawat Kaniya diha sa mga blankò sa ubos.

Ako si, nagadawat kang
imong ngalan

Jesus ingon nga akong Manluluwas
bulan adlaw tuig
.....

Nabuhat mo na ba ang tanang bulohaton niining leksyon?

Grado

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gilkan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE
PHILIPPINE NATIONAL OFFICE—P.O. BOX 1084, MANILA